



Inatsisartunut ilaasortaq Jens Kristian Therkelsen, Siumut

**Sunnigiffimmi piniartut puisit amiinik tunisisinnaaneratt pillugu § 37  
naapertorlugu apeqquteqaammur nr. 96/2022-mut akissut**

27-06-2022  
Sagsnr. 2022 - 12079

Asasara Jens Kristian Therkelsen.

Postboks 1601  
3900 Nuuk  
Tlf. (+299) 34 50 00  
E-mail: isiin@nanoq.gl  
www.naalakkersuisut.gl

Inatsisartut suleriaasianni § 37-mi imm. 1 naapertorlugu apeqqutaatinnut  
qujanaq.

*Naalakkersuisut puisit amii tunineqartartut pillugit saniatingooralugu  
piniartartut piffinni ataasiakkaani tunisisinnaanerannik  
siunniussaqaarnikuuppat?*

Akissut:

Great Greenlandimut kiffartuussinissamik isumaqatigiissut atuuttoq  
naapertorlugu, tapiissutitaqarsinnaatitaallutik aalajangersimasumik akilerlugit  
inuutissarsiutigalugu piniartut puisit amiinik tunitsivigisinnaasaannik, Great  
Greenlandi nunatsinni siammarsimasunik 47-t tikillugit tunitsiveqarpoq.  
Taamaalilluni ilaatigut naleqquttumik akilerlugit inuutissarsiutigalugu piniartut  
ammunik tunisisinnaanissaat, ilaatigullu suliffinnik pilersitsisuullunilu avammut  
tunisinermi isertitaqarfiusartumik, tamatumalu saniatigut nunatsinni ileqqutta  
kulturittalu pigiinnarneqarnissaannut aamma tapertaasumik, Great Greenland  
nioqqutissiornissaanut naammattunik puisit amiuteqarnissaata  
qulakkeerneqarnissaa uani eqqarsaatigineqarpoq.


Great Greenland Upernavimmi aamma tunitsiveqarpoq, puisillu amii  
tapiissutitaqarsinnaatitaasut 2021-mi tunineqartut katillugit 595-iullutik. 2022-  
mi ukiup qaammataanni siullerni tallimani puisit amii tapiissuteqarsinnaatitaasut  
388-it tunineqarsimmata, 2022-mi tunisat amerlanerungaatsiarput.

Ilulissani Uummannamilu tunitsiviusinnaasunik amigaateqarneq patsisaalluni tunitsiviit matoqqagallarput, inilli naleqquttut nutaat pillugit Great Greenlandip Avannaata Kommunia isumaqatiginninniarfigaa, tunisisinnaanerlu qanittumi ammaanepaqqissasoq neriuutigineqarluni.

Sunngiffimmi piniartut puisit amiinik tunisinissaannut Great Greenlandi tunitsaaliuisinnaangilaq, inuutissarsiutigalugulu piniartut tapiissuteqarsinnaatitaasunik puisit amiinik pisariaqartinneqartunik naammattunik tunisinngiffiini, piffissap ilaani Great Greenlandi sunngiffimmi piniartunit puisit amiinik pisisarnikuulluni. Sunngiffimmi piniartut puisit amiinik tunisinerini niuernerimi atugassarititaasut malillugit pisiarinqartarput, taamaattumillu inuutissarsiutigalugu piniartut puisit amiinik tunisisarnerinut sanilliullugu sunngiffimmi piniartunut akigititaq appasinnerulluni.

Inuutissarsiutigalugu piniartuunngitsut tapiissuteqarsinnaatitaasunik puisit amiinik tunisisarnissaannik misileraasoqassanersoq, KNAPK Naalackersuisullu suleqatigalugit Great Greenlandip ukioq manna nalilersussagaa pilersaarutaavoq.

Inussiarnersumik inuulluaqqusillunga



Vivian Motzfeldt

Nunanut Allanut, Inuussutissarsiornermut Niuernermullu Naalackersuisoq